



Inatsisartut Suleriaasianni § 36 naapertorlugu Apeqquteqaat aallaavigalugu oqallisissiaq imaattoq matumuuna saqqummiuppara:

Meeqqanut sumiginnaasimasunut, taamatullu kinguaasiutitigut innarlerneqarsimasunut siusissukkut piukkunnaateqartumillu katsorsaanissanut neqerooruteqarnissaq, allatigullu ikorfartuisinnaaneq qanoq ililluta qulakkeersinnaaneripput pillugu apeqquteqaat aallaavigalugu oqallinnissamik siunnersuut.

(Inuit Ataqatigiit Inatsisartuni ilaasortaaitai)

Siunnersuummi matumani siunertarineqarpoq – sumiginnaanermik, atornerlunneqarnermik – aamma/imaluunniit kinguaasiutitigut innarlerneqarsimasut siusissukkut katsorsarneqarnissaasa siuarsarneqarnissaat. Immikkut eqqarsaatigineqartut tassaapput meeqqat angerlarsimaffiup avataani inissinneqarsimasut, taamatuttaaq meeqqat innarlerneqarsimasut sumiginnaaneqarsimasullu allat eqqarsaatigalugit katsorsarneqarsinnaanerinek periarfissinnissaat, meeqqammi taama misigitinneqartut tamarmik angerlarsimaffiup avataanut inissitaanngimmata.

Aallarniutigalugu aamma naqissuserlugu oqaatigineqassaaq Inuit Ataqatigiinnut ataatsimut isigalugu naalackersuinikkut anguniagaamat atornerluinerup innarliisarerillu pinaveersaartinnissaat, taamaammallu anguniagaq tassaalluni meeqqat ikinerpaat angerlarsimaffiup avataanut inissinneqartariaqartarnerat anguniarneqarluni.

2017-imi ulloq 26. juni Meeqqat pillugit Inatsit atuutilerpoq (Inatsisartut inatsisaat nr. 20, 26 .juni 2017-meersoq, aamma Meeqqanut Inatsimmik taaneqartartoq). Inatsit Naalagaaffiit Peqatigiit Meeqqat pillugit Isumaqtigiiissutaanni art. 39-mut assinguvoq, taamatullu meeqqat tamarmik sumiginnarneqartut, innarlerneqartut atornerlunneqartullu ikiorlugit isumagineqartussaallutik.

Inatsimmi § 25-mi oqaatigineqarpoq meeraq eqqortumik isumagineqassasoq, taamatullu § 46, imm. 4.1-imi periusissat inatsisitigut peqqussutaasut nassuiarneqarlutik. Iliuusissatut pilersaarusiornissami "isumassuinermi atukkat nukittorsarneqarnissaat" ersarissumik salliuinneqarpoq, tassungalugu atatillugu ilaqutariinnut siunnersuunissaq tikkuarneqarluni. Meeqqat angerlarsimaffimminnit nuutsinneqarsimasut pillugit pingaaruteqarpoq qulakkiissallugu ilaqutariittut attaveqatigiinnerup nukittorsarneqarnissaa, – taamaaliornikkut meeqqat pineqartut ilaqtaminnut utersinnaanerit. Taamaattorli meeqqanut angerlarsimaffiup avataanut inissinneqarsimasunut meeqqanullu innarlerneqarsimasunut ikuunnissaq naammaginangilaq nukittorsarneqartariaqarluni siuarsarneqartariaqarluni.

2012-imi Deloitte-mit naatsorsuusiat naapertorlugit takuneqarsinnaavoq nunatsinni meeqqat tamakkerlugit pigaanni 7%-ii angerlarsimaffiup avataanut inissinneqarsimasut. Meeqqap angerlarsimaffiup avataanut inissinneqarnera ilaqutariinnut tamakkiisumik kinguneqartarpoq, minnerunngitsumillu meeqqamut. Inissiinerit meeqqap pisariaqartitaanik angajoqqaat tungaannit isumaginissinnaanngitsutut nalilernerisigut tunngaveqartarpoq.

INUIT ATAQATIGIIT

Inatsisartuni



Inissiineq inissinneqarnerlu immikkut isigalugu ajoqusernermik kingunerlutsitsinermik nassataqarsinnaasarpoq. Imaannerusarporli inissinerni angajoqqaajusut salliutillugit ikiorniarneqartartut, meeraq tunulliunneqarluni. Tamanna ilaqutariinnut pingaaruteqarpoq. Taamaaliornikkut angajoqqaatut piginnaassutsit sapinngisamik iluarsarneqartarmata, meeqqallu angerlarsimaffimminut ilaqtutaminullu utersinnaalersarmat.

Imaakkajuppoq angajoqqaatut amigaateqartumik pissuseqarneq imaluunniit killegartumik piginnaassuseqarneq angajoqqaajusut meeraanerminni sumiginneqarsimanerinek tunuliaqutaqartoq. Angajoqqaajusunit toqqammaviumik kissaatigineqartarpoq qitornarisap pitsaanerpaamik atugaqarnissaa, taamaattorli tamarmik tamanna naammassisinnaaneq ajorpaat.

Meeqqat ilaat angerlarsimaffiup avataani innarlerneqarsinnaasarput, tamannalu pillugu inissinneqarneq ajorlutik. Meeqqanut taakkununga aamma ajoraluartumik ikiorsiisarneq katsorsaasarnerlu assigiinngitsutigut amigaateqarput. Meeqqat Illuat "Saaffik" 2011-imi atorineqarpoq, tassanilu nuna tamakkerlugu assigiinngitsunik ilinniagaqarsimasut akornanni suliniutit nukittorsarneqarnissaat siunertarineqarluni.

Periusissanik iliuuserisassanillu pilersaarussiaq kingusinnerusukkut saqqummiunneqartoq naapertorlugu nassuerutigineqarpoq suliniuteqarneq naammassimanngitsoq, taamaammallu meeqqanik innarlerneqarsimasunik katsorsaanerup suli nukittorsarnerunissaa tunngaviumik pisariaqartitsisoqarluni. Uani annertunerumik paasisassarsiortoqarsinnaavoq:

<http://www.saaffik.gl/media/1091/saaffik-strategi-og-handlingsplan.pdf>

Maannakkulli kinguaasiutitigut atornerlunneqarsimanerup kingunerisaannik naalakkersuinikkut iliuuseqarniarnikkullu salliutitsilluni pisoqarpoq, meeqqanilli katsorsaanaasaaq, assersuutigalugu kinguaasiutitigut atornerlunneqartut naammaginartumik isumagineqaratik. Meeqqanik sumiginnaaneqartunik imaluunniit atornerlunneqarnermik innarlerneqarnernillu misigisimasaqartunik katsorsarneqarnissaat siusissumik iliuuseqarnertut isigisariaqarput, taamatullu taamaaliornikkut nukissanik tunniussinertut meeqqat pineqartut nuannersumik inuuneqarnissaminut tunngavissinneqarsinnaallutik.

Kommunit aamma ilaqutariinnut katerisimaartarfiit assigiinngiaartunik tapersersuinernik neqerooruteqartarput, taamaattorli meeqqanut katsorsaasannaanermik kommuninit neqeroorutaasartut killegarput. Periarfissaasinnaasoq tassaavoq katsorsaasunik sinerissami angalaarsinnaasunik pilersitsinissaaq, ilaatigullu tassaasinnaallutik tarnip nakorsai meeqqanut innarlerneqarsimasunut katsorsaananissanik neqerooruteqarsinnaasut.

Inuiaqataansinnik kingornussatta kipinissaat kissaatigigutsigu meerartavut tunniussivigisariaqarpavut, meeqqanut kinguaariinnullu tullinnguuttunut iliuuseqarnissatsinnik salliutitsinissarput ernumanata salliutittariaqarlugu. Meeraq angajoqqaaminut nukissaqarneruppat ima kinguneqarsinnaavoq meeraq angajoqqaaminut uterusunngitsoq.

Taamaattoqassappalli uagut inuiaqatigiittut meeqqat angerlarsimaffiup avataanut inissinneqartut periarfissaannik tamakkiisumik atuisinnaanerit pitsaanerpaamik periarfissatta atornissaat aporfiusannigilaq. Taamaammatt meeqqap angerlarsimaffiup avataanut inissinneqarnermini katsorsarneqarnissaminut piginnaatitaanera Inatsisartunit tapersersorneqassasoq – kaammattuutigerusupparput, taamaaliornikkut meeqqat angerlarsimaffiup avataanut inissinneqartut salliutinneqarlutik katsorsarneqarsinnaanerit qulakkeerniarlugu.

INUIT ATAQATIGIIT

Inatsisartuni

Taama tunngavilersuillunga
oqallisigisassanngortippara.

siunnersuut

saqqummiussara



Inatsisartuni